

ZIKLO-KROSA

Hamaika euskal
ordezkari
Mundialeko
aurre-selekzioan

DONOSTIA

Jose Grande eta Iñaki Maiora Espainiako ziklo-kros arduradunek 17 gizon ez osatutako aurre-selekzioa jakinarazi zuten igandean, Espainiako Txapelketaren amaieran. Hamazazpi gizon horietatik 11 euskal ordezkariak dira. *Open* mailan Jokin Mujika eta Iñigo Igartua euskaldunak eta Paco Pla dira aukeratuak.

Espoir mailan (20-22 urte bitartekoek osatua) Aitor Aburuza, Jose Manuel Galera, Unai Yus eta Igor Beristain euskal ordezkariak eta Roberto Iglesias eta Abel Maceira sartu dira zerrendan. Jubeniletan, azkenik, Ivan Mayo, Mikel Artetxe, Haimar Zubeldia, Gaizka Lejarreta eta Aitor Silloniz euskaldunak eta Miguel Soro, Manuel Armada eta Juan Belloren artetik aterako da azken zerrenda.

PLA Paco Pla **ESPAINIAKO TXAPELDUN** txirrindulari valentziarrak eskuratu zuen igandean Zamoran jokaturako Espainiako Ziklo-kros Txapelketa, pronostikoak betetz. Bera zen, Jokin Mujikarekin batera, aurtengo edizioa irabazteko faborito nagusia. Itasondokoak ordea, ez zuen ezer egiterik izan, lehenengo itzulian aberia izan eta erretiratu egin behar izan baitzuen.

Espero baino lan gutxiago egin behar izan zuen Valentziako ordezkariak. Hirugarren itzulirako, Paco Pla karreraren buruan zegoen, bakar-bakarrik, atzean Iñigo Igartuaren eta Abel Maceira galiziarren artean borroka dextentea zegoen bitartean. Helmugan, Plak 41 segunduko aldea atera zion Maceirari, eta 1.06koa Igartuari.

Jubeniletan Ivan Mayok lortu zuen titulua, Mikel Artetxe eta Haimar Zubeldiaren aurretik. Kadetteetan, berriz, garaipena Andoni Aranagarentzat izan zen.

Espainiako Txapelketaren balantzea nahiko positiboa dela esan daiteke, jokoan zeuden bederatzi dominetatik bost eskuratu baitzituzten euskal ordezkariak, tartean urrezko bi.

PILOTA

Hiru bikote bi postutarako


Igandean Astelenan irabazten duena zuzenean sailkatuko da

Lehen mailako eskuz binakako txapelketan bi bikote daude jada finalerdietarako sailkatuta: **Retegi-Errandonea eta Titin-Arretxe**. Launa puntu dauzkaten **Unanue-Zezeagak eta Salaberria-Belokik** datorren igandean Astelenan jokatu dute elkarren aurka. Partidu hori irabazten duenak finalerdietarako txartela lortuko du.

A. U. / DONOSTIA

Datorren igandean txartel bat dago jokoan Eibarko Astelenan. Bertan Unanue eta Zezeagak Salaberria eta Belokiren aurka jokatu dute txapelketako zazpigarren jardunaldiko partidua eta irabazten duena finalerdietarako sailkatuko da. Txapelketan joko indartzen ari direlako eta gainera partidua hau 'etxean' jokatu dutela ikusirik Unanue eta Zezeaga dira partidua honetarako faboritoak. Baina gogoratu egin behar da 3. jardunaldian bi bikote hauek jokatu zuten partiduan nafarrek 22-12 irabazi zutela.

Aipatu bi bikoteek gain, Eugi eta Elkorok osatutakoak ere badu finalerdietara sailkatzeko aukera. Bikote honek ordea ez dauka batere erraza sailkatzea. Larunbatean Titin eta Arretxeren aurka



Ruben Beloki.

SAILKAPENAK

A Multzoa:

- | | |
|-----------------------|-----|
| 1. Titin-Arretxe | 5p. |
| 2. Retegi-Errandonea | 5p. |
| 3. Salaberria-Beloki | 4p. |
| 4. Unanue-Zezeaga | 4p. |
| 5. Eugi-Elkoro | 3p. |
| 6. Alustiza-Berna | 2p. |
| 7. Etxaniz-Galarza | 1p. |
| 8. Urionaguena-Erasti | 0p. |

B Multzoa:

- | | |
|-----------------------------|-----|
| 1. Ariznabarreta-Armendariz | 5p. |
| 2. Tolosa-Imaz | 4p. |
| 3. Nagore-Lasa | 4p. |
| 4. Gorostiza-Santi | 3p. |
| 5. Goñi-Balardi | 3p. |
| 6. Capellan-Mendia | 3p. |
| 7. Koka-Oregi | 1p. |
| 8. Ortiz-Olden | 1p. |

jokatu dute Labriten. Irabazten badute eta Salaberria eta Belokik galdu, bi bikoteek elkarren aurka jokatu dute zortzigarren jardunaldiko partiduan erabakiko da finalerdietarako beste txartela. Unanue eta Zezeagak Titin-Arretxeren aurka jokatu dute zortzigarren jardunaldian.

Hain urrutira joan gabe, sailkapenari begira garrantzirik ez duten beste bi partidua jokatu dira asteburu honi dagokion zazpigarren jardunaldian. Retegi eta Errandoneak Urionaguena eta Azkarateren aurka jokatu dute Lodosan, larunbatean. Errasti berriro ere baja izango da eta Azkaratek beteko du bere lekua. Alustiza-Bernak Etxaniz-Galarzaren aurka jokatu behar zuten partidua datorren asteko asteazkenean pasatu da, urtarrilaren 18an jokatu da Mungian.

Bigarren mailan Ariznabarreta eta Armendariz ia sailkatuta daude finalerdietarako eta bi bikote dira inolako aukerarik gabe daudenak: Koka-Oregi eta Ortiz-Olden. Datorren asteburuan beste bi bikoteek lor dezakete txartela zuzenean, Nagore eta Lasak Gorostiza eta Santiri irabazten badiete batetik, eta besetik Tolosa eta Imazek Goñi eta Balerdiren aurka jokatu behar duten partidua irabazten badute.

Afizionatuen mailan Berraondo eta Apeztegiak irabazi dute ETB-El Diario Vasco Torneoan. Zarautzen jokaturako finalean 22-16 irabazi zieten Urretabizkaia anaiei.

Pilotargi, Donapaleu 1 eta Noizbait 1 irabazle

H. G. / BAIONA

Trinketeko Frantziako Sare txapelketako lehen jardunaldia jokatu zen igandean. Partiden emaitzak biziki argiak izan ziren batez ere klub berean jokaturiko bi partida izan baitziren.

Hazpainen, Noizbaiteko lehen

taldeak, Larronde eta Borthieruk, Camino eta Funosas bigarren taldearen aurka 45-31 irabazi zuen. Donapaleun, berriz, Hourcade eta Foisek osatzen duten Donapaleu 1 taldeak, Thikoi-pe eta Detxarten aurka 45-23 irabazi zuen. Bi partida hauek ez zuten emozio handirik izan, klub

bereko lehen taldea izaten baita beti hoberena.

Azken partida, berriz, Getariko trinketean jokatu zen eta etxeko Duberthand eta Karrikirik 45-33 irabazi zuten pilotak ongi atzeratzen asmatuz Aviron Bayonnaiseko Lasarte eta Ladavezaren aurka.

HERRI KIROLAK

Urrestilla izan zen indartsuena goma gainean

JON OLASKOAGA / DONOSTIA

Euskal Herriko goma gaineko sokatira txapelketa hasi zen larunbatean. Asteburu honetako irabazleak Urrestilla, Goierri, Torrekolanda eta Gaztedi izan ziren. Guztien artean Urrestilla azpimarratu behar da. 560 kiloko kategoriako multzo gogorrean jardun behar dute. Multzo honetan Gaztedi, Beti-Gazte eta Urrestillaren artean erabaki behar dira finalerako bi postuak.

Araian (Araba) igandean Urrestillak argi eta garbi utzi zuen Gipuzkoako Txapelketako pisu guztietako tituluak irabazi ondoren txapelketak eskuratzeko faborito direla. Gaztedi izan zen bigarrena eta Beti-Gazte hirugarrena. Emakumezkoetan (480 kilo), Gaztedik eskuratu zuen lehen postua Torrekolanda, Hartzazpe-Goierri eta Berriozarren aurretik.

Larunbatean Laudion 560 kiloko lehen bi multzoko taldeak

lehiatu ziren. Lehen multzoan Torrekolanda nagusitu zen. Bigarren multzoan indartsuena Goierri izan zen.

Motozerrariaren eta trontzalarien arteko desafioan Ernesto Etxebarria nagusitu zen. Zeanurin jende asko bildu zen proba ikustera. Etxebarriak motozerrarekin 9.20ko denbora egin zuen 68 epai egiteko. Goioaga, Etxebarria eta Pabi Astondoa trontzalari hirukoteak 11 minutu eta 7 segundu egin zuen.

LABURREAN

ROMARIO jada
Flamengo taldeko
jokalaria da

Romario aurrelaria Flamengo taldeko jokalaria da dagoeneko, atzo Kleber Leite klub brasildarreko lehendakariak ziurtatu zuenez. Leiteren esanetan, Barcelonak ezarritako baldintza ekonomiko guztiak bete ditu Flamengo (900 milioi pezeta inguru ordainduko ditu), eta beraz kontratua sinatzea besterik ez da falta (atzo gauean sinatzekoa zen). Flamengo lehendakariak esan zuenez, «kasurik txarrean, 48 ordu barru itzuliko da Romario Brasilera» ●

MONZON munduko
boxeo txapelkun
ohia hil da

Carlos Monzon munduko txapelkun ohia auto istripu batean hil zen Argentinako Santa Rosa de Calchines hirian, 52 urte zituela. Argentinarra 11 urteko kartzela zigorra betetzen ari zen, bere emaztearen hilketatik, eta astebukaeran kartzelatik ateratzeko baimena zuen. Monzon 15 aldiz izan zen pisu arineko munduko txapelketa. Profesional bezala 88 garaipen, 3 porrot eta 9 berdinketa lortu zituen ●

XAKEA: Izetak
bi garaipen lortu
ditu Jaenen

Felix Izeta xake jokalaria gipuzkoarrak bi garaipen lortu ditu jarraian Jaenen jokatu ari den Anibal Openean. Azkena, Ferrer espainiarren aurka. Emaitza honekin, Felix Izeta beste 9 jokalarirekin berdinduta dago ●

TOMBAK 40.
garaipena lortu
zuen igandean
Munduko Kopan

Alberto Tomba italiarrak igandean Garmisch-Partenkircheneko slalomean lortu zuen garaipena Munduko Kopan lortu duen 40. izan zen. Era honetan, garai guztietako hirugarren marka zuen Pirmin Zurbriggen suitzarrarekin berdinduta geratu da. Sailkapen horretan Luxenburgoko Marc Girardelli dago bigarren postuan 43 garaipenekin ●